



Demanti OHR-a na tekst objavljen u današnjem broju Dnevnog avaza

Ured visokog predstavnika želi demantirati izjavu koja je pogrešno pripisana OHR-u u današnjem izdanju Dnevnog avaza. Naime, objavljajući vijest koju je prvobitno objavila TV1, Dnevni avaz je OHR-u pogrešno pripisao jedan dodatni paragraf, iako taj paragraf nikada nije bio dio naše izjave.

Kada je TV1 zatražila komentar o nedavnoj raspravi u vezi s ulogom potpisnica Dejtonskog sporazuma, OHR je odgovorio na pitanje sljedećom izjavom:

"Potpisivanjem Općeg okvirnog sporazuma za mir, Savezna Republika Jugoslavija, čija je Srbija pravna sljednica, preuzela je određene obaveze. Između ostalog, obavezala se na puno poštivanje suverene jednakosti i izbjegavanje bilo kakvih aktivnosti koje bi bile usmjerene protiv nezavisnosti Bosne i Hercegovine, te je prihvatile da promovira i poštuje obaveze koje proizlaze iz Aneksa 4, tj. Ustava Bosne i Hercegovine.

Sporazum su potpisale tadašnja Republika Bosna i Hercegovina, tadašnja Savezna Republika Jugoslavija i Republika Hrvatska. Evropska unija, Republika Francuska, Savezna Republika Njemačka, Ruska Federacija, Ujedinjeno Kraljevstvo i Sjedinjene Američke Države su bile zemlje-svjedoci."

Sve drugo što je rečeno izvan gore navedenog teksta, uključujući i bilo kakve uredničke intervencije, naslove ili komentare, nema nikakve veza sa zvaničnim stavom OHR-a ili našom izjavom o ovom pitanju.